

欽定大清會典事例

欽定大清會典事例卷一百三十四

吏部

處分例 禁獄一

禁獄○康熙三年覆准凡提牢官有縱容獄卒陵虐罪囚及給以塵飯土羹者指名題叅依律治罪至各直省按察司及府州縣等官遇有罪不致死之人久淹獄中致獄官將犯人餓斃並縱容獄卒私自拷打等弊督撫查叅議處○六年題准獄官防範不嚴以致斬絞人犯執持鐵器等物在獄傷人者如未經出獄降一級調用

該管有獄官罰俸一年。○九年議准官員將斬絞人犯越獄脫逃隱匿不行申報或不行羈禁准人取保以致脫逃者革職或發到收監之犯不收自監推付別衙門以致脫逃者降四級調用如該管上司不據實具報者降二級調用。○又題准官員將斬絞人犯在獄不加扭鎖以致自盡者降一級調用上司不據實申報者罰俸一年如已加扭鎖自盡者免議。○又題准督撫所叅貪劣官員委官看守如疏忽看守以致自盡者將看守之官罰俸三月。○又議准官員凡

承審案件將正犯於限內並不取供審理遲延一案之內監斃一二人者罰俸六月三四八者罰俸一年五六八人者降一級留任七八人者降二級調用九人以上者革職如將干連之人監斃一二人者罰俸一年三人者降一級留任四人者降二級調用五人者革職若上司不據實題奏降二級調用至逾限不行審結將正犯監斃雖已取口供亦照限內不取口供致死例處分若將干連之人監斃一人者降一級調用二人者降二級調用三人以上者革職上司不據

實題奏者降二級調用。若限內不能完結再行展限。仍不能定有淹禁致死者。亦照限內並不取供監斃例處分。○又議准官員將重罪要犯致死以圖滅口者。革職提問。如上司不據實具報降二級調用。○又題准凡官員將斬絞犯人在獄不加桎鎖以致脫逃者。革職。上司不據實申報降二級調用。若已加桎鎖脫逃者。照越獄例限一年緝拏。不獲者照罪犯輕重處分。其起解斬絞重犯不加桎鎖少差解役以致脫逃者。降一級調用。軍流徒罪人犯。罰俸一年。照案緝

拏如已加杻鎖多差解役脫逃者俱照越獄例
按罪犯輕重處分若係差役得賄將人犯疏縱
脫逃者本管官照失察衙役犯贓例處分原解
未經交付之先疏縱脫逃者將原地方各官議
處如已經交付脫逃者將承接該管各官議處
○十一年題准承問官將正犯取有口供於限
內不早行題結監斃一二人者免議三四人者
罰俸三月五六月者罰俸六月七八人者罰俸
一年九人十人以上者降一級留任其事結具
題之後將人犯監斃者免議○十四年議准反

叛斬罪人犯越獄不論名數多寡將獄官革職
拏問該管有獄官亦革職戴罪勒限一年督緝
全獲開復逾限不全獲者革職○又議准凡巨
盜斬絞重罪人犯越獄者不論名數多寡將獄
官革職拏問該管有獄官革職戴罪勒限一年
督緝全獲者開復逾限一名不獲者降二級調
用二名者降三級調用三名不獲一名者革職
其越獄人犯交與接管官亦勒限一年督緝如
能全獲者不論俸次即照其應升之官升用如
一名不獲者罰俸三月二三名者罰俸六月四

五名者罰俸九月六名以上者罰俸一年未獲

逃犯照案緝拏○又議准笞杖徒流等犯越獄

者不論名數多寡

乾隆三十七年增定限四月題參疏

將該管

獄官革職留任戴罪勒限一年緝拏全獲開復

逾限不獲仍照例革職逃犯交與接任官勒限

緝拏該管有獄各官住俸戴罪勒限一年督緝

全獲者開復逾限一二名不獲者罰俸一年三

四名者降一級調用五六名者降二級調用七

八名者降三級調用九名十名者降四級調用

越獄人犯交與接任官亦勒限一年緝拏全獲

者不論俸次即照其應升之官升用如一名至四名不獲者罰俸三月五六名者罰俸六月七八名者罰俸九月九名十名以上者罰俸一年未獲逃犯照案緝拏○又議准凡官員將逃犯正在緝拏之間或經別案降革及丁憂離任者責令接任官再限一年緝拏前官全未拏獲接任官全獲者不論俸次即照其應升之官升用如前官止獲一二名其所餘逃犯接任官如能全獲者不論名數多寡紀錄一次逾限不獲仍以罪犯之輕重名數多寡照接任官例議處其

原叅有名戴罪督緝官員年限之內未經全獲。照名數降級調用。如有紀錄加級抵銷。仍留原任者。應再限一年緝拏。如不獲。照接緝官例分別議處。全獲者。原係本任內脫逃人犯。不准議敘。○又奏准。官員將別案緝獲賊犯。作此案越獄之犯。詎稱被獲被殺。縊死。溺死者。皆革職。司道府等官。不行確查。遽行轉詳。罰俸一年。督撫不行詳查具題。罰俸六月。至署事官在署事任內。有越獄之事。仍照現任官例處分。外凡虛革虛降官員。未滿一年之限。正在緝賊之間。離任

者皆照離任官例罰俸一年。○又議准官員將越獄逃犯即行拏獲或被官兵追迫投水而死或自盡者皆免其處分。○又議准斬絞重犯越獄該管有獄各官因公出境非係親身在任越獄者初參應免其處分仍限一年督緝如逾限一二名不獲者罰俸六月三四名者罰俸一年五六名者降一級調用七八名以上者降二級調用笞杖徒流等犯越獄因公出境官員初參免其處分亦限一年督緝如逾限一二名不獲者罰俸三月三四名者罰俸六月五六名者罰

俸一年。七八名以上者降一級調用。至反叛人犯越獄。因公出境官員。仍照承緝官例處分。○十五年題准。凡有反叛人犯越獄。不論名數多寡。將獄官革職拏問。該管各官俱革職戴罪。勒限一年督緝。全獲者開復。逾限不全獲者。即行革職。若係斬絞人犯越獄。不論名數。獄官革職拏問。自一名至五名者。將該管各官革職戴罪。照限一年督緝。全獲者開復。限外一名不獲者降一級。二名者降二級。三名者降三級。四名者降四級。俱調用。五名全不獲者革職。六名以上

者亦照例督緝如限滿不獲仍按名數多寡分別議處如原叅戴罪督緝官員限滿降調有抵銷留任者再限一年緝拏如仍不獲照接緝官例分別議處全獲者免議至接緝官亦勒限一年緝拏能全獲者不論俸滿即升一名不獲者罰俸三月二三名者罰俸六月四五名者罰俸九月六名以上者罰俸一年人犯照案緝拏若軍流徒杖笞等犯越獄者不論名數獄官革職該管各官自一名至十名者俱住俸戴罪仍限一年督緝全獲開復逾限不獲一二名者照原

品調閒散用三四名者降一級五六名者降二級七八名者降三級九名十名者降四級俱調用十一名以上者革職戴罪照限督緝限滿不獲照例計名數多寡分別議處其原叅戴罪督緝官員限滿降調有抵銷留任者再限一年緝拏不獲照接緝官例議處全獲亦不議敘接緝各官亦勒限一年督緝全獲者不論俸滿即升一名至四名不獲者罰俸三月五六名者罰俸六月七八名者罰俸九月九名十名以上者罰俸一年未獲人犯照案緝拏凡署印官有越獄

之事者照現任官例處分。其虛革虛降官員限內有事故離任者即照離任官例罰俸一年。逃犯責令接任官再限一年緝拏。如全獲者不論俸次即升。若前官已獲一二名接任官將所餘逃犯全獲者不論名數多寡紀錄一次逾限不獲仍按罪犯輕重名數多寡照接緝官例議處。至於監犯越獄該管官當時拏獲或窮追自盡者俱免處分。若將別案緝獲賊犯詐作越獄案內之犯誑報已獲已死者俱革職。將轉詳官罰俸一年。具題之督撫罰俸六月。如該管官將斬

絞重犯越獄隱諱不報者。即行革職。○十六年
覆准凡遇

赦詔到。卽將應赦人犯。卽行釋放。如將應赦人犯。仍
濫行監禁。或應放人犯。不卽釋放。遲誤十日者。
將該管官革職。其有未經法司覈覆明白者。該
法司覈明文到之日。不卽釋放。亦革職。該管上
司。不行詳查揭叅者。皆降二級調用。督撫降一
級留任。若有情罪可疑。該管官不於一月內詳
明奏請。違限一月以上者。降一級調用。該管上
司。不行詳查揭叅者。罰俸一年。督撫罰俸六月。

違限二月以上者。該管官降二級調用。該管上司降一級留任。督撫罰俸一年。違限三月以上者。該管官革職。該管上司降二級調用。督撫降一級留任。如有上司督撫遲延者。將上司督撫亦照此例處分。該管官免議。○二十二年議准在京問刑各部院衙門承審官員將問理案件於限內並不取供。審理遲延逾限。雖取供不行。審結及雖限內取錄口供。不速行題結。以致犯人並牽連之人。監禁斃命。或羈禁門監淹斃者。應照一案所斃人數將承審司官皆照外官之

例處分若堂官不據實題叅者照督撫之例處分。若禁卒守門人役將羈禁門監人犯恣行陵虐致斃應處分司獄城門尉等官致斃三四人者罰俸三月五六人者罰俸六月七八人者罰俸九月九人十人者罰俸一年十一人以上者革職。○二十五年議准司道府官未奉督撫行文遽將無罪之官擅自拏禁並將不至於拏禁之官拏禁者革職。○又題准貪婪革職官員並提問之犯不監候具題完結縱回原籍或聽其散處脫逃者皆革職。逃犯交與接任官照越獄

例限一年緝拏。如解餉官失銀縱放脫逃及挪用錢糧官未經追完縱往他處者皆降一級留任。限一年緝拏如限內不獲降一級調用。二十九年覆准刑部滿漢司官每年委一人一同提牢輪直點驗。若不將監內嚴行約束以致閒雜人等出入行走將提牢滿漢司員司獄官皆照縱容外人入獄律議處。四十五年覆准各府州縣問刑衙門原設監獄除重犯羈監外其餘干連輕罪人犯令地保保候審理如有不肖官員私設倉鋪等項懷挾私讎受囑恐嚇將輕

罪犯人私禁致斃者該督撫即行指叅將該管官照懷挾私讎故禁平人律治罪○雍正元年議准山海巨盜及斬絞重犯越獄脫逃將獄官革職拏問該管官革職戴罪勒限一年督緝限內全獲准其開復如逾限一名不獲者降一級調用二名者降二級調用如三名不獲一名者革職至獄卒有受罪人讎家賄囑謀死本犯者依謀殺首從律治罪其失察之該管官交與該部從重議處再獄官內果有堪膺薦舉者該督撫據實題奏交該部酌加議敘○又議准獄卒

有受罪人讎家賄囑謀死本犯等弊者照律治罪其失察之該管官革職○二年題准凡命盜等案有監斃人犯者或隨招附參或監斃在具題之後仍令補參毋得於正案未經審結之先咨參監斃藉端銷案其有重犯已斃毋庸具題者務將原供全案備細報部刑部嚴加查覈不協者仍駁令改正其允協者註明情罪允協照該督撫所咨完結其監斃職名咨部照例議處○三年議准盜犯如已經取供審明後管獄官並無致斃情事在監病故不論首盜夥盜四名

以下者。管獄官免其議處。至將一案內盜犯監斃五名以上者。管獄官罰俸一年。凡強盜案件有監斃者。各該督撫務於本內分別聲明。○又議准。在監人犯有被禁卒人等陵虐需索者。將禁卒人等計贓治罪。仍追原贓給還本人。提牢司獄不行查出。事發照失察衙役犯贓例議處。○又議准。嗣後該管知府並直隸州知州所屬州縣若山海巨盜斬絞重犯。越獄脫逃。有一二案者。罰俸一年。三四案者降一級。五六案以上者降二級。俱限一年催緝限內全獲。准其開復。

逾限不獲照所降之級調用。若軍流徒杖笞等犯越獄有一二案者罰俸六月。三四案者罰俸九月。五六案以上者降一級。限一年催緝。限內全獲准其開復。逾限不獲再限一年。如不獲照所降之級調用。○又議准凡擬死罪監候人犯之親屬許於每月初二十六入監探視。將現在監中重犯逐一詢明。父母妻子嫡親弟兄姓名年貌登記號簿。其各省解京及刑部陸續審結各重犯於未入監時即行審明註冊交付獄官。遇放家口日期詳加驗對放入。至未結案之犯

其親屬人等一概不許入監。如不應放之人蒙混放入。查出將管獄官照縱容外人入獄律議處。○又議准書辦、皂隸以及官員家僕有擅自出入監所、私通消息、教令串改口供情弊者、提牢官司獄立即拘拏回堂。將書吏責革。家人之主一併議處。若不行拘拏被查出者、提牢官司獄皆照縱容外人入獄律議處。○四年

諭魏二係為首惡盜。知縣高大有並不嚴行監禁。竟至越獄脫逃。殊屬不合。著交與該撫並高大有務將魏二拏獲。如不能拏獲。將該撫議處。高大有從重治罪。

至奏疏內稱高大有因公出境並未聲明前往何處著將高大有因何事派委前往何處等情交與該撫察明具奏。儻有徇隱將該管各上司一併治罪。再各省似有此奏稱因公出境者甚多。此內每有上司官員瞻顧情面。受屬員請託掩飾具奏等弊。部中不行詳查。即照該督撫所請議覆。以致地方官員俱漫不經心。疏忽怠玩。此等應如何分別議處之處。著定例具奏。欽此遵。

旨議定。凡斬絞重犯越獄。該管官除赴部引。

見委解錢糧奉調審理案件承辦要務因公出境以

及奉調入闈者該督撫即於疏內聲明仍照因公出境例議處外至該管官或委署鄰邑或檄調赴省等項此等公出斬絞重犯越獄脫逃者仍照越獄定例處分至軍流徒罪等犯與斬絞重犯有聞該管官員或因公出境一時防檢偶疏以致越獄脫逃該督撫亦務將該員於某月日因何事公出何處逐一聲明送部查覈仍照因公出境例議處如有並非因公出境該管上司瞻顧情面受屬員請託捏稱因公出境掩飾具奏將該管上司照徇情例降二級調用該管

有獄官。照規避例革職。○五年議准。獄卒陵虐
罪囚。其司獄官典史等知而不舉。仍照例治罪。
外。若非陵虐而病斃者。如係斬絞重犯一案內
監斃一人者。管獄官罰俸一月。二人。罰俸三月。
三人。罰俸六月。四人。罰俸九月。五人以上。罰俸
一年。如係軍流罪犯一案內監斃一人者。管獄
官罰俸三月。二人。罰俸六月。三人。罰俸九月。四
人。罰俸一年。五人以上者。革職。徒罪以下人犯
一案內監斃一人者。管獄官罰俸六月。二人。罰
俸九月。三人。罰俸一年。四人以上者。革職。至於

刑部乃刑名總匯之地案件繁多非一州一縣可比其司獄官監斃斬絞重犯一案內監斃三四人者司獄罰俸一月五六人者罰俸三月七人者罰俸六月九人十人者罰俸九月十一人以上者罰俸一年軍流罪犯一案內監斃三四人者司獄罰俸三月五六人者罰俸六月七人者罰俸九月九人十人者罰俸一年十一人以上者革職徒罪以下人犯一案內監斃三四人者司獄罰俸六月五六人者罰俸九月七人者罰俸一年九人以上者革職如一案內

一時監斃斬絞軍罪徒流之犯數人以上者照
內外所定各條分別議處其徒罪以下人犯患
病獄官即行報明承審官承審官即親赴驗看
患病果實取具甘結旗人交與該佐領驍騎校
民人交與該地方官保出調治病愈即送監審
結其外解人犯無人保出者令其散出外監醫
治如本犯有病而獄官不即呈報將獄官照淹
禁律治罪如本犯無病而串通獄官醫生捏報
有病者將本犯並獄官醫生皆照詐病避事律
治罪或病已痊愈而該佐領驍騎校該地方官

不即送監審結者將本犯與該佐領驍騎校該地方官亦照詐病避事律治罪若保出故縱者將保人治以本犯應得之罪疏脫者減一等仍將取保不的之該佐領驍騎校該地方官照例題參議處以上各項內若有受賄情弊並計賄以枉法從重論○又議准督撫題報監斃人犯務將本犯所犯罪名所患病症及有無陵虐並輕罪人犯曾否保釋緣由逐一聲明如有蒙混情弊經刑部查出將該督撫每案罰俸三月若承審各官不行詳報聲明各罰俸六月○又議

准刑部現審事件令承審司官每於月終各將所審案件逐案開具簡明略節並監犯名數收監日期造具清冊具有行提應質人犯等項不能依限完結者將緣由一併造入冊內呈堂查覈若有濫行監禁及無故遲延不結者即將該司官指名題叅照例分別議處若刑部不行題叅或被科道查出或別經發覺將堂官一併議處其直省問刑各衙門亦於每月造具清冊呈報督撫查覈如有濫禁等弊該督撫即行題叅照例議處若督撫不行題叅或被部院科道糾

叅或別經發覺將該督撫一併議處○又覆准
遞回原籍人犯內凡犯笞杖等輕罪遞回原籍
安插人犯令承審衙門於遞解文移票內註明
該犯罪名並不應收監字樣其前途接遞州縣
如遇該犯住宿之夜即遴選妥役將該犯押交
坊店歇宿不許濫行監禁仍取具前途收管毋
得疏縱如接遞之州縣將不應收監人犯濫行
收監者將該州縣官照不應禁而禁公罪律罰
俸一年凡犯笞杖等輕罪承審衙門於文內移
明該犯原籍地方官折責毋得先行杖責致令

長途苦累如承審衙門先責後解者將該州縣
官照違令公罪律罰俸九月○六年議准各省
虧欠帑項人員除侵欺不及三百兩挪移不及
千兩應散禁者如看守疏忽以致自盡仍照委
官看守疏忽例處分侵欺至三百兩以上挪移
至一千兩以上應行監追人員在監自盡者仍
照在獄縊死例處分外其應行監追之犯不行
監追令其在外居住者將該管之州縣官照溺
職例革職其令本犯在外居住失於防範以致
自盡者亦照溺職例革職本犯應追銀家屬不

能完納即令該管官賠補其該管司道府等官如係同城明知徇隱不行揭報者皆照徇庇例降三級調用不同城之司道府等官失於覺察者照不知不報例降一級留任如已有聞見不行查明揭報經督撫題叅者亦照同城例各降三級調用直隸州知州照知府例分別議處其督撫失於覺察者照豫先不行查出例罰俸一年儻已有聞見不行題叅或被科道糾叅或別經發覺者照徇情例降二級調用○七年議准承問官將盜犯取有口供未經題結監斃者令

該督撫於疏內聲明無論首盜夥盜一案監斃
四人以下者免議五、六人者罰俸三月七、八人
者罰俸六月九人十人以上者罰俸一年事結
具題之後監斃者免議至其餘監斃各項人犯
仍照原定例處分○又議准人命重案正犯已
獲證佐未明難以定招者將難結緣由於初參
文內聲明聽部查覈二限之內該犯病故者照
承審限內並不取供審理例監斃一、二人者罰
俸六月三、四人者罰俸一年五、六人者降一級
留任七、八人者降二級調用九人以上者革職

若犯證已齊承審官不訊取口供以致該犯於限外監斃者若係正犯仍照承審限內並不取供審理例議處若係案內證佐人等監斃者照監斃干連人犯例一二人罰俸一月三人降一級留任四人降二級調用五人者革職○又議准州縣監內斬絞重犯越獄該管知府直隸州知州分別罰俸降級限一年督緝如逾限不獲一二案者再罰俸一年逃犯照案緝拏三四五六案者照所降之級調用未獲逃犯交與接任官照案緝拏督撫按察使有一二案者罰俸三

月三四案者罰俸六月五六案以上者罰俸一
年皆限一年督緝逾限不獲一二案者罰俸六
月三四案者罰俸一年五六案以上者降一級
留任逃犯照案緝拏全獲之印准其開復○又
議准越獄重犯承審各官務究賄縱實情若能
究出免其從前失察犯賊處分如不嚴究實情
照未經審出賊銀例降三級調用○又議准獄
官及有獄各官務須常詣監所察視如不親視
以致監牆傾圯吏卒疏忽者雖無越獄事犯亦
將獄官照禁役防範不嚴例降一級調用該管

有獄官罰俸一年。○又議准獄官於獄內重犯能董率提牢吏役嚴加防守除一二名外一年內有三名以上重犯並無疏失者紀錄一次。每三名加一等。十五名以上者加一級。再有數多而並未疏失者以次遞加。○又議准重犯越獄鄰境文武正雜等官有能拏獲者按其名數照拏獲盜首例一月內拏獲者每一名加一級。再紀錄一次。一月外拏獲者每一名加一級。○又議准管獄之司獄司不許濫行差調。吏目典史除捕務外亦不許濫行差調。如有濫行差調者

上。司。照。虛。懸。城。守。例。議。處。

乾隆三十六年增貴州省並無佐雜閒員

遇有緊要差務典史吏目准酌量委用

其吏目典史如遇緝限屆

期例當降革。謀差展限者將該員照規避例革

職。至於官員署事任內有重犯越獄脫逃獄官

有獄官皆照現任官分別議處勒限緝拏如未

經限滿即行離任者仍照離任官例罰俸一年

○九年奏准嗣後凡給發獄囚棉衣並口糧鹽

菜等項該管官務須親身照例散給毋得假手

胥役家人以致獄囚有名無實仍不時體察禁

役人等有無陵虐情弊儻獄囚內有患病者即

令醫生診視調治。應取保者取保。應散禁者散禁。務使痊可有期。如有醫治不痊。病故在獄者。務將刑禁人等嚴行究審。取具圖結詳報。該上司覈實具題。儻有捏供詳報者。即將該有獄管獄各官照例指參。○十二年議准。未經擬定罪名人犯越獄脫逃。定限四箇月題參疏防。該督撫先於限內將所犯事由與應擬何罪之處逐細嚴察。如取供已明。衆證有據。雖經脫逃而罪無可疑者。即於疏防文內聲明該犯應得罪名。以憑照例議處。如果係監候待質供證未確。罪

難懸擬者亦於疏防文內據實聲明。照軍流等犯越獄例。初參不論名數多寡。將獄官革職留任。戴罪勒限一年緝拏全獲。開復逾限不獲。照例革職。逃犯交與接任官勒限緝拏。該管有獄官一名至十名。皆住俸戴罪勒限一年緝拏全獲。開復逾限一二名不獲者。罰俸一年。三四名不獲者。降一級調用。五六名不獲者。降二級調用。七八名不獲者。降三級調用。九名十名不獲者。降四級調用。未獲逃犯交與接任官勒限一年緝拏。如越獄至十一名以上。初參將該管有

獄官革職。戴罪限一年督緝。全獲開復。限滿不獲。仍照例計名數多寡。分別議處。其逾限未獲十一名以上者。革職。未獲逃犯亦交與接任官勒限一年緝拿。至越獄逃犯有罪無可疑。仍捏稱罪難懸擬者。將該管有獄官照規避例革職。該管上司不行確查具報者。知府直隸州知州照失於覺察例罰俸一年。轉詳之司道罰俸六月。督撫罰俸三月。若受屬員請託代為轉報者。知府直隸州知州照徇情例降二級調用。轉詳之司道降一級留任。督撫罰俸一年。

欽定大清會典事例卷一百三十五

吏部

處分例 禁獄二

乾隆元年覆准。嗣後每省設立循環簿。飭令所屬各州縣。將每日出入監犯名姓。填註簿內。按月申送該府。逐一查閱。如有不應收禁之人。濫行監禁。及懷挾私讎。故禁平人者。均照律擬罪。外。儻該州縣。故將收禁人犯。隱漏不行填註者。照蒙混造冊例。降一級調用。如係遺漏未造。照造冊遺漏例。議處。儻吏卒人等。索詐鋪監使費。

嚇騙財物除將該犯計贓以枉法從重治罪外。並將失察之該管官。照失察衙役犯贓例分別議處。如知情故縱者。照縱役犯贓例革職。三年覆查各省州縣監獄。係吏目典史管理。如州縣監獄遇有越獄之案。其人犯輕重。將吏目典史俱照獄官定例議處。如三年之內。並無疏失。亦照獄官定例議敘。四年奏准。越獄疏防案件。該管有獄官。以及該管之各上司。如係帶印公出者。仍照定例察議。若係交印公出。該督撫亦於疏內聲明到部。免其承緝處分。毋

庸限緝回任之後照接緝官察議其無接緝處
分者免其議處未獲逃犯照案緝拏署事官照
承緝官議處○又議准軍流徒罪人犯在獄傷
人管獄官降一級留任有獄官罰俸九月若係
笞杖人犯與干連應質之人散寄外監獄官失
於防範以致毆傷人命者罰俸一年該管有獄
官罰俸六月 五年

諭。獄案務嚴濫及治獄無令淹留所以重民命也朕欽
恤為懷凡於刑獄案件無不至詳至審詰誠丁寧期
成協中之治諒廷臣亦莫不共知朕心矣惟是外省

之監獄。覈之在京事勢不同。緣督撫駐紮省城。府縣散居遠近不一。上司耳目不盡周知。雖有監犯月報之虛文。不無隱匿遺漏之積弊。每有一案人犯證佐未齊。或拘喚不至。或關解不前。有司又不上緊催提。以致經時累月。囚繫不釋者有之。又有事涉牽連。因人註誤。有司不分輕重。概與正犯同繫。囹圄遂有無辜受累。濫被拘禁者有之。是以圜扉之內。常見充盈。屋既湫隘。人復衆多。濁氣蒸薰。疾病傳染。因此致斃者不一而足。其在問擬重罪。尚須附疏題達。然亦處分甚輕。若罪輕譴薄。及挖累干連之人。每至患病垂

危始令的屬具保詳報在外病故督撫無可糾參至
於州縣自理事件並不報聞上司更無稽考草菅人
命視為固然此皆朕留心訪察而知種種情弊外省
實有不免者朕矜全民命每於重犯之中有一綫可
原者必諭令廷臣往復商酌而後定案無如牧民之
有司不能仰體朕心遂致刑獄不慎上干

天和凡地方之旱澇災侵未必不由乎此用是特頒此
旨著各督撫嚴飭司府州縣現在刑獄逐一清釐有
塵積經久未結者勒限審詳有一案牽涉多人者速
為開豁或應省釋寧家或應取保候質其已經擬罪

應行監禁各犯務飭該管官加意清查毋使禁卒陵虐至於困苦並將牢獄不時埽除以免疫癘傳染儻有獄各官奉行不力者著上司即行查叅不得寬縱以副朕哀矜庶獄之意○十年覆准不肖有司聽信獄卒設立非刑將囚徒排臥一頭於鐐靠之中橫穿長木鎖逼兩頭壓住手足實為非法嗣後直省督撫嚴切查禁如有私用穿木束囚並各項非法者即行題叅照違制律論該督撫失察者交部議處○十五年奏准凌遲重犯在監病斃該管官處分從前俱照監斃斬絞之犯辦理

但此等罪犯以監斃為幸。應較斬絞罪犯加重處分。嗣後監斃凌遲重犯。即照監斃徒罪以下人犯例議處。其不加杻鎖。以致自盡者。將該管官降二級調用。○十七年

諭朕命刑部查奏命盜等案內。贓證情節未明。監候待質者。共五十七案。康熙年間一案。雍正年間十一案。而自乾隆元年至十七年。統計已未入秋審者。積至四十五案。此非使無辜之人久繫囹圄。即使應辟重犯。久稽顯戮。而犴狴之中。淹禁多人。亦非所宜。皆因承審各官不能實力查辦。又或刑部司員以有遵駁

改正議敘之例多尋罅隙外省無以登答轉成疑案一經題明監候待質即束之高閣而接任之員又以非本任之事率多因循殊非明慎用刑而不留獄之意著刑部將此塵案速行清理嗣後內外問刑衙門於一切命盜重案各宜留心迅速查辦應緝拏者上緊緝拏應定擬者即行定擬毋至塵案日積若本非難結之案承審各官不能審出實情惟以監候待質為遷延時日之計且藉得邀免處分希冀錄敘該堂官督撫察出即行叅處此亦清理庶獄之一法可通行曉諭知之○二十一年奏准嗣後斬絞罪犯不加

杻鎖以致自盡該管官應降一級調用者即將有獄官罰俸一年凌遲罪犯不加杻鎖以致自盡該管官應降二級調用者即將有獄官降一級留任○二十二年

諭據鶴年奏稱疏防限滿留於地方協緝之革職知縣何志倬現在患病請如部議高晉摺令回籍等語閱之頗覺不當因令詳查原案乃知雍正六年定例重犯越獄州縣官限滿不獲者革職仍留地方協緝以懲疏玩此實整飭吏治之道法至善也乾隆二年嵇曾筠尹會一先後奏停協緝之例其時朕御極之初

於庶務情弊。實未周悉。遂依部議停止。今春高晉奏請仍復舊例。所奏甚是。朕令部議。該部自應准行。乃遽以乾隆二年業有成例。議駁得旨。允行。此朕日理萬幾。一時疏忽之誤。此本既下。不肖劣員。益得恃為護符。以致鶴年亦復援例。為該革令奏請。不知監獄係地方有司專責。若重犯脫逃。迄無弋獲。一經離任。輒得晏然。以去。其何以儆玩縱。而重職守耶。若謂留於地方。恐致滋事。則是以廢員而重干法紀。益當重治其罪。豈可轉為開脫之路。嗣後州縣官疏防限滿。著仍照雍正六年定例。革職留於該地方協緝。其蒙

混議駁高晉摺之該部堂官著交部嚴加議處鶴年並不權事理之輕重遽爾奏請亦屬不合著一併交部議處○又奏准舊例疏脫監獄重犯定以降革協緝限以三年恐該革員不肯實力緝捕嗣後改為五年令其實力躡訪協同接任官緝捕其限滿分別開復議處治罪之處仍照雍正六年之例辦理奉

旨嗣後協緝五年限滿仍不能弋獲之革職州縣著該督撫等查明請旨○又奏准嗣後除管獄有獄各官遇有本任內疏防越獄處分仍各照本例查議

外至州縣正印暫行兼攝獄務各官員遇有疏
脫重犯之案即照管獄官之例題叅革職拏問
儻能實心選差懸賞上緊追捕於百日限內緝
獲請

旨令該督撫給咨送部引

見酌量開復○二十三年奏准山海巨盜斬絞重罪
並問發新疆人犯越獄不論名數多寡將管獄
官仍革職拏問該管有獄官革職留任如能於
四月疏防限內拏獲者管獄官免其拏問仍革
職有獄官自拏獲之日起扣限一年無過將革

職留任之案。咨請開復。如四月限內不能全獲。有獄官仍留任一年。戴罪督緝。全獲者亦自拏獲之日起扣限一年。無過開復。僅逾限一名不獲者降一級調用。二名不獲者降三級調用。三名不獲一名者革職。逃犯交與接任官勒限一年督緝。凡問發新疆及由新疆改發內地越獄係例應正法之犯管獄有獄各官仍照此例。○二十四年奏准。凡緝捕越獄重犯遇有告病及終養等項。無論在任承緝及離任協緝。俱不准回籍外。其有承緝協緝限內遇丁憂治喪事故。俱暫令回籍給假百日。經理喪事。假滿

原籍督撫催令起程。咨明任所督撫仍留地方協緝。接扣前限滿日照例查辦。○二十九年覆准嗣後接緝斬絞越獄重犯除限內全獲者仍照原例以應升之品級升用外。如一年限內無論名數多寡不行拏獲者。即照兇惡盜首之例罰俸一年。再限一年緝拏限滿不獲。罰俸二年。仍再限一年緝拏。三限不獲。降一級留任。逃犯照案緝拏。○又覆准嗣後除情重要犯乘機自戕。倖逃顯戮者。聽督撫等嚴行查叅。分別治罪。至軍流以下。自盡之案。仍照例查叅議處外。其

斬絞人犯在獄自盡不論已未上有杻鎖管獄
官降一級調用有獄官罰俸一年原例內已上
杻鎖免議之條應行刪除○又覆准凌遲重犯
在獄自盡管獄官降二級調用有獄官降一級
留任向例亦係已上杻鎖即予免議今斬絞人
犯既不准照已加杻鎖自盡即得免議其凌遲
人犯亦應一例辦理○又

諭輔德奏參革安義縣知縣郭孫錦在監病故一摺雖
該犯或係適當自斃未必盡出畏罪戕身然以濫斃
無辜栽贓捏詳之官犯讞案未定典守者不知防範

竟令自斃。雖經勘驗結報。又焉知不與近日山東參革壽光縣知縣蕭應柱聞參自縊同一鬼域伎倆。此風斷不可長。夫有司不能奉法自干例議。其在情罪重大者。固當束身歸罪。自伏厥辜。其事本非重譴。原可不至於死。甚至審屬子虛。並可立予昭雪。何至一挂彈章。輒圖乘隙自盡。蓋由督撫等平時姑息疏玩。於此等劣員。每謂一經參劾。上司已無瞻徇。而監守不嚴。審擬不速。往往釀成懈怠。使罪大者不得明正。典刑罪小者不得昭雪。而地方無識之徒。未必不轉為犯官。負屈或且重疑執法之苛。是非封疆大吏以

寬縱之習招嚴刻之尤乎。此於官常刑法大有關係。著傳諭各督撫嗣後務應悉心飭屬防檢毋得甘蹈疏虞自取罪戾。○三十年奏准州縣監獄重在堅固完好以備疏虞。地方官入境之初勘驗明確造冊具結申送上司存案。儻有廢壞即時修理直省督撫轉飭該管道府隨時勘驗如所屬州縣有本任之內廢壞不修交代之時捏飾結報情事即行揭報督撫題叅廢壞不修之員照不親詣監所察視以致監牆傾圯例降一級調用如接任之員捏飾結報照不行查報例降一級留

任如上司徇隱不報照不據實揭報例罰俸一年○三十二年覆准斬絞重犯越獄係賄縱脫逃者除管獄官革職拏問有獄官革職留於地方協緝外將該管府州革職司道降一級調用不行嚴叅之督撫降二級留任已經嚴叅者降一級留任並非賄縱者將該管府州罰俸一年限一年督緝逾限不獲降一級留任或前案發覺以後及未經開復以前又遇所屬重犯越獄者即降一級調用督撫司道初叅罰俸六月限一年督緝限滿不獲罰俸一年其問發新疆人

犯越獄俱照斬絞重犯越獄例議處如軍流徒杖笞等犯越獄將該管府州隨案查叅罰俸六月道員罰俸三月○三十三年

諭錢度奏賀縣疏縱逃軍熊俊越獄脫逃一案請將典史謝霖革職拏問而於知縣鄭之翀請革職留任殊屬非是該縣監禁脫逃匪犯既不上緊辦理又不嚴密巡防致要犯夤夜兔脫非尋常疏縱盜犯可比自應將該縣即行革職仍留該處協緝事理方為允協今錢度初到粵西輒爾心存寬縱請將該縣留任使庸玩劣員仍得優游戀棧何足以示懲儆明係錢度

有意沽名。沾染外省惡習。不知悔改。錢度著交部嚴加議處。鄭之翀著革職。仍留該地方協緝。嗣後有似此者。均照此辦理。著為令。至改發新疆積匪猾賊。在配及中途脫逃。情罪甚為可惡。一經拏獲。即應立正典刑。又何必關查原案。往返需時。致令匪犯在獄日久。得以乘間潛逃。辦理本屬未善。將來各省如盤獲此等要犯。訊究明確。即行正法。毋致曠時貽誤。○又諭。此案焦紹祖係虧空庫銀倉穀情實官犯。在獄自戕。非尋常監斃人犯可比。部議照例將化州知州呼延華國僅擬革職。高州府知府張若烜擬以降一級留

任尚未允協。臬司雖係刑名總匯。但通省州縣甚多。其勢自難徧及。至知府乃親臨上司所屬。既有監候緊要官犯。並不嚴飭該州加意防閑。致令自盡。其玩慢曠職。咎無可逭。豈可與臬司同科。此而不予以重處。則官官相護。將來必有縱放而報以監斃者矣。至知州於監禁官犯。是其專責。乃竟任其畏罪投繯。安知無徇情故縱情弊。革職不足蔽辜。張若烜著革職。呼延華國著革職。拏問交該督等與吏目韓培基一併嚴審具奏。著為令。○又奏准斬絞重犯越獄限滿不獲。按其未獲名數。照例分別議降議革。將議

以革職者。飭令離任。降調者。暫停補用。俱仍留該地方。協同接任官。緝捕。如能於五年限內。拏獲該督撫。給咨送部引。

見請

旨開復。限滿不能拏獲。或不能全獲。如係革職之員。該督撫奏明請。

旨交與刑部。按其不能拏獲。與不能全獲之處。分別治罪。如係降調之員。仍照未獲名數。一名不獲。降三級調用。二名不獲。革職。二名不獲。後止。拏獲一名者。仍降三級調用。○又奏准。署事官在。

署事任內有越獄之事如係州縣正印官暫行兼攝管獄官事務者遇有疏脫重犯之案即照管獄官之例題叅革職拏問儻能實心選差於百日限內緝獲將可否令該督撫給咨送部引見之處恭候

欽定○又奏准斬絞重犯越獄限滿不獲州縣官降調例應留於地方協緝五年其有紀錄加級抵銷免其降調之員仍限五年緝拏逾限不獲照例查叅分別降革○又奏准前官未獲人犯接任官以到任之日起扣限一年緝拏如能於限

內將前官全未拏獲人犯全獲者不論俸次即照其應升之品升用如前官已獲一二名其餘逃犯接任官如能全獲者不論名數多寡紀錄一次如山海巨盜斬絞重犯於一年限內無論名數多寡不拏獲者罰俸一年再限一年緝拏限滿不獲罰俸二年仍再限一年緝拏三限不獲降一級留任未獲逃犯俱照案緝拏○又奏准文武正雜等官如有拏獲鄰境越獄軍流罪犯者每一名紀錄一次徒罪人犯每二名紀錄一次准其前後接算聲明議敘○三十五年

諭。據熊學鵬奏應發新疆改發煙瘴之竊犯陸貴瓏在
司監收禁越獄脫逃現經拏獲正法請將管獄各官
分別革職議處一摺。司獄華燦於司獄所禁要犯任
其乘閒脫逃實屬有乖職守。罪應褫革。固不待言。至
按察使為通省刑獄總司所屬囹圄尤宜申嚴防禁
毋稍疏虞。方為無忝厥職。乃於專管之司監毫無防
範。致有越獄之犯。尚復成何事體。則其平日闡茸玩
公更可概見。曾曰理向為道府時尚知黽勉自擢任
臬司以來即意存滿足不肯實心出力。聞其近日辦
事聲名甚屬平常。今復有此越獄之案。非尋常疏防

可比。曾曰：理即著革職熊學鵬等。著交部分別議處。
○三十七年奏准：官員造報獄內重犯文冊遺漏已決人犯未造者，罰俸一年。該管各官未經查出者，罰俸六月。○又奏准：鹽犯除大夥興販持械拒捕、有窩囤地棍賣私店主者，仍照定限審結。至實係老幼貧難男婦肩挑背負四十斤以下易米度日者，例不緝捕，毋庸監禁外，其餘拏獲私鹽肩挑背負四十斤以上等犯，易結之案。該地方官將現獲之犯隨獲即行審結。其有遲延在四月內將人犯監斃者，該鹽政會同督

撫將遲延緣由咨部照承審官例議處儻再有任意不結。控累至四月以外以致一案監斃至三人一年監斃至三案者該鹽政會同督撫查叅將州縣照獄官監斃例議處。○四十一年

諭吳虎炳奏於二月初二日到廣西巡撫任後查有革職道員秦廷基因袒護屬員授意改供擬斬監候係旗人應在部監禁之犯尚未起解當經飭催據報患病調治嗣據署臬司黃邦甯面稟該犯在監病故隨率同司道等親往相驗秦廷基實係生前自縊身死並非病故並訪知該犯原寓省城邊耳巷張姓公館

內並未收監。扭鎖以致在寓投繯。黃邦甯於該犯死後。連夜擡入司監。各情節。請將署臬司黃邦甯。司獄宋紱。一併革職。審擬。並自請嚴加議處等語。覽奏。殊堪駭異。實為從來未有之案。秦廷基係問擬斬候。應行解京監禁。要犯黃邦甯署理臬司。膽敢瞻徇同寅情面。任聽安住旅館。推病挨延。不即起解。已屬玩法。及秦廷基自縊。復敢捏稱在監病故。移屍獄中。希圖掩飾。其情罪尤為可惡。黃邦甯著革職。拏問。該撫即派委妥員。速行押解赴京。交刑部從重治罪。此案係熊學鵬任內之事。熊學鵬既將秦廷基授意改供情

節審訊屬實。擬以斬候。自應一面具奏。一面將秦廷基照例收監。乃自十一月二十一日定案後。任聽其在省安居。並不即行收禁。致該犯得以在寓投繯。其事實由熊學鵬釀成。况秦廷基袒護。改委一案。熊學鵬近在粵西。並未查出。參奏。難保無徇情曲庇之處。直待李侍堯秉公參劾。熊學鵬乃不得不嚴行定擬。其隱微已不問可知。朕以熊學鵬素常辦事尚屬勤慎。小心。是以調赴粵東大省。竟不料其荒唐。一至於此。實為辜負朕恩。朕於督撫等公過處分。應行降革者。概予從寬留任。今熊學鵬敢於違例。寬縱係屬私。

罪難以曲為原宥。熊學鵬即著革職發往川省辦理。軍需奏銷事務其軍營各員所有虧短官項如溫福遺失銀米等款若力不能完者即著令熊學鵬賠補。以為督撫徇情沽名者戒。至司獄宋紱雖係專獄之員但將秦廷基擡屍入監一節出自署臬司黃邦甯之意該司獄一微末屬員其力自不能違抗予以革職已足蔽辜毋庸審訊治罪。吳虎炳到任未及一月即將秦廷基應行解部監禁之處飭屬嚴催並將黃邦甯捏報監斃移屍入獄各情弊查出據實參奏頗屬認真辦事其失察秦廷基原未收禁之處尚可從

寬吳虎炳毋庸交部議處。又據蘇爾德奏身任藩司近在同城不能早為覺察。請一併交部議處等語。蘇爾德若止係藩司監獄之事。與伊無涉。原可毋庸置議。但熊學鵬於正月初十日起程赴粵。東新任後。蘇爾德即護理撫篆。至二月初二日始行卸事。其閒幾及一月。既未將秦廷基未經收禁之處查明。又不催令將秦廷基解部。其罪實在於此。豈得僅以藩司同城為詞自行檢舉。思欲避重就輕乎。蘇爾德著交部嚴加議處。○四十三年覆准。問擬發遣之官犯易鴻猷於按察司監自縊身死一案。奉

旨。圖思德著降一級留任。其署按察司糧驛道國梁吏部以其係革職留任之員。無級可降。議以革任。向來降革之案。覈其情節輕重。原有仍予留任註冊者。今國梁於署臬司任內。重犯在監自縊者。前後共有兩案。是該員於監獄重任。漫無整理。不可不示以懲創。是以照議革任。並非以票籤例不出名。未經詳閱。率依部議也。因將其故明白宣諭。使各省臬司及有獄各官。咸知儆懍。毋稍疏略。干咎。○四十四年議准。嗣後凡秋審情實人犯。遇有病故。州縣官立即詳報。該督撫於接到詳文之日。先行題報。總不得

過十日之限其派員相驗及研訊禁卒人等有
無陵虐情弊等項除去程途日期總以一月為
限具文報部如有逾違即查取職名交部議處
○四十五年覆准嗣後各廳州縣有離省遠者
遇有秋審情實人犯在監病故令管獄官立即
通詳該督撫於接文之日一面先行題報該管
道府據報一面速派鄰近之員前往驗訊明確
詳請咨部總以一月為限如有逾違仍照原奏
查取職名交部議處○四十八年

諭李世傑奏夏邑縣知縣李光德典史劉應連於毆

死親嫂化氏一家三命之兇犯歐陽十既不趕緊審辦又不嚴行鎖錮看守以致該犯乘閒磨靠欲逃復毆死禁卒二命請將李光德等革職一摺此等連殺數命之兇犯一經拏獲自應立即審解決不待時況該犯自知罪重既拌一死必致逞惡行兇乃情事所必有今歐陽十殺死親嫂化氏一家三命收禁在獄又磨靠欲逃經禁卒喊拏復逞兇毆斃二命兇惡已極歐陽十著即凌遲處死至該縣等於此等重案既不趕緊審辦又不嚴行鎖錮以致釀成該犯復有在獄逞兇之事實屬怠玩知縣李光德典史劉應連固

應革職其該管知府平日率屬無方督飭不力非尋常失察可比並著交部嚴加議處看來外省遲緩懈弛惡習牢不可破即如查拏逃犯等事並不認真辦理屢經降旨飭諭亦不過以一奏塞責至審辦重案動輒稽遲致屢有越獄逞兇等事竟成積弊如豫省歐陽十之案若該撫等早能督飭速辦又何至釀成事端耶所有各省督撫俱著飭行嗣後各督撫務須督率屬員實力整頓毋得仍前疏緩○又

諭薩載閔鶚元奏江蘇按察司監犯鄧二等五名一同越獄於八月二十九九月初三日先後拏獲業經審

明問擬斬決具題在案。其署按察司蘇糧巡道秦學溥交部嚴加議處等語。此案先經閔鶚元審明具奏。將鄧二等五犯擬以斬決。即行正法。並將司獄刑禁人等訊明。尚無賄縱情弊。分別問擬。發往伊犁新疆。已批該部知道矣。至鄧二等俱係行劫重犯。收禁司監後。自應嚴密防範。乃該犯等竟敢扒牆越獄。同日脫逃至五名之多。實非尋常疏縱可比。秦學溥係朕特加擢用之人。署理臬篆後。自應留心督率。實力稽查。乃辜恩負職。若此。不得以該犯等旋即拏獲。寬其處分。秦學溥應如該督所奏。交部嚴加議處。至鄧二

等五犯在獄脫逃時。扳開柵木。扭換鎖靠。所有刑禁人等。何至竟無聞見。難保無知情賄縱之事。著薩載。閔鶚元。再行徹底究訊。如有別項情弊。另行從重定擬具奏。毋任絲毫狡卸。嗣後司監並各屬監獄。務須嚴行稽查。小心防範。毋得再行疏虞。致干咎戾。○五

十一年

諭據明興奏。七月二十五日。歷城縣監禁斬絞重犯許四妮等九名。同時搗脫刑具。打傷禁卒。扒牆越獄。鎗鍊逸出城牆。請將管獄之典史朱連傑革職。拏問知縣宋其偉革職。留於地方協緝。濟南府知府李炤一

併革職。按察使楊廷樺交部嚴加議處。並自請交部嚴議等語。歷城係省城首縣。該處為審解要犯彙禁之地理。應嚴密防範。毋得稍有疏虞。乃許四妮等九名俱係斬絞重犯。輒敢同時摘脫刑具。打傷禁卒。絕城而逸。則是該地方官平日漫不經心。毫無防範。以致多犯。黃夜脫逃。實屬懈弛。已極。典史朱連傑著革職。拏問。知縣宋其偉著革職。留於地方協緝。知府李炤平日不能稽查防範。著革職。一併留於地方協緝。按察使楊廷樺有通省監獄之責。歷城近在同城。尤非隔屬可比。乃省城同日越獄之犯多至九名。則其

平日之廢弛玩縱已可概見楊廷樺前於福建布政使任內因事降調經朕加恩以按察使銜補授臺灣道令其隨同黃仕簡辦理臺灣械鬪一案彼時賴有黃仕簡辦理妥協伊不過因人成事朕念其微勞事竣後復簡用按察使伊自應感激朕恩愈加出力以蓋前愆今於省城監獄並不小心稽察以致重犯脫逃九名可見其從前辦理臺灣械鬪一案並無片長自效不過隨同出名而已楊廷樺實屬辜恩曠職僅予革職不足蔽辜著革職拏交刑部治罪明興為該省巡撫於省城監獄廢弛至此平日之漫無表率稽

查可知咎實難辭著交部嚴加議處至逸犯許四妮等俱係斬絞重犯輒敢越獄縋城四出逃逸則守城兵弁所司何事俱著明興查叅治罪○五十二年

諭閔鶚元奏江都縣監犯有葛小髻仔王三仔李二等三犯越獄脫逃隨即根究查拏將葛小髻仔拏獲正法尚有王三仔李二等二名未獲請將署江都縣之甘泉縣趙增革職典史陳恭禮革職拏問知府恆豫交部嚴加議處等語葛小髻仔等俱係戕傷人命及行劫逃遣重犯該縣理應加意防範嚴密監禁乃並不督飭禁卒小心看守以致重犯同時脫逃致有三

名之多。未便稍為寬假。至恆豫近在同城。於首邑監獄不能整頓稽查。以致重犯越獄多名。亦非尋常失察可比。典史陳恭禮知縣趙增俱著革職。拏問知府恆豫著革職。一併留於該省地方協緝。以為玩視監獄者戒。○五十三年議准疏防重犯越獄脫逃較之籤差不慎解審中途脫逃為尤重。乃例內止留緝五年。限滿不獲。管獄官亦止按例擬以杖八十徒二年。未免輕縱。嗣後凡羈禁罪應凌遲斬絞立決監候重犯越獄脫逃。將叅革玩縱之管獄各官俱勒限留緝於該地方協緝十年。如限

滿不獲審係禁役受賄故縱照所縱囚罪同科
者協緝各官從重發往軍臺效力贖罪若審明
並無受賄故縱情弊止係偶致疏脫例得減等
定罪者協緝各官俱於縱囚越獄本例杖八十
徒二年上從重加等擬以杖一百徒三年如所
限期內能將正犯全行拏獲者照舊例該督撫
給咨送部引

見請

旨開復僅有一犯不獲仍照例科罪○五十五年奏
准凌遲及斬絞立決重犯在監自盡者管獄官

革職有獄官降三級調用斬絞監候人犯自盡者管獄官降三級調用有獄官降二級調用軍流人犯以下自盡者管獄官降一級調用有獄官降一級留任○五十七年

諭歸景照奏參革知縣嚴承夏於五月三十日晚押解到省因時值深夜暫委按察使照磨張克謙看守飭於次早收禁不料嚴承夏即於是夜自縊身死請將照磨張克謙革職拏問署按察使事杭嘉湖道良柱革職一併嚴審並自請交部等語嚴承夏係因署守備林鳳鳴等聽從賄囑幫爭網地放槍滋事一案匿

不稟報特旨拏問之員一經解到即應收禁何得復交照磨看守竟是虛語又不小心防範致令自縊實出情理之外省城重地以拏問官犯輒任自盡此而不嚴加懲創設有大員拏問亦復徇情寬縱與以自戕之暇尚復成何事體張克謙著革職拏問交與福崧提同看守人役將有無知情受賄之處嚴審定擬具奏良柱著革職訊明後發往軍臺效力贖罪至歸景照不過一循分供職之員因念其係尚書歸宣光之子不次加恩擢用藩司現護撫篆又近在同城乃於此等拏問官犯並不留心查察委蛇取譽致有要

犯自盡之事其罪實無可逭歸景照亦著革職發往
軍臺效力贖罪福崧並無緊要必須面奏事件冒昧
起程來京陛見轉置地方於不問釀成重案殊屬非
是福崧即著交部嚴加議處○嘉慶四年

諭據陳嗣龍奏州縣積弊一摺外省州縣於審辦案件
延閣不訊藉端需索又復袒役病民株連控剔種種
情弊皆朕所深知前已明降諭旨嚴行飭禁以肅吏
治而儆官邪至私設班房及自新所名目濫拘濫押
之事本干例禁從前久經聲明入於彙奏近年改為
彙咨或地方官日久玩生視為具文又復萌其故智

挖累無辜。不可不嚴行查察。著通諭各督撫飭屬一體查禁。如有陽奉陰違。私行設立者。即當嚴叅究辦。若大吏袒庇屬員。有心徇隱。一經查出。必當一併治罪。不稍寬貸。○五年奏准。問刑衙門差役人等私設班館。押禁輕罪。干連人犯在官署內者。該管官照故禁平人杖八十。私罪律降三級調用。因而致死者。革職治罪。失察之府州降一級留任。司道罰俸一年。在官署外者。該管官罰俸一年。因而致死者。降二級留任。失察之府州罰俸九月。司道罰俸六月。○又奏准。直省虧欠倉穀侵欺。

至三百兩以上挪移至一千兩以上擬斬情實
應行監追之員在監自盡者管獄有獄官革職
拏問府州不行揭報者革職同城司道仍降三
級調用不同城司道仍降一級留任如已有見
聞不行揭報降三級調用督撫罰俸一年如有
見聞不行題參亦降二級調用將應行監追之
員令其在外居住自盡者州縣以上官亦照此
例議處○又議定刑部現審事件承審司官若
有濫行監禁及無故遲延不結者照不應禁而
禁公罪律罰俸一年○八年議准斬絞重犯越

獄管獄官係專司獄務之員應即行革職拏問除四月限內拏獲免其拏問外如有不能全獲留於地方協緝五年限滿不獲係禁役賄縱脫逃者發往軍臺效力贖罪若審明禁役並無賄縱故縱情事果係依法看守偶致疏縱脫逃者擬以杖一百徒三年至有獄官係兼轄之員與專司獄務者有閒暫行革職留任俟四月限滿不獲仍留任一年督緝如再不獲按其未獲名數議降議革留於地方協同接任官緝捕五年限內拏獲題請開復限滿不獲係禁卒受賄故

縱者無論名數多寡概行革職交刑部發往軍臺效力贖罪若並無賄縱情弊係降調之員仍照未獲名數分別降革完結係革職之員交刑部擬以杖一百徒三年至一案內止係一名脫逃者有獄官革職留任四月限滿不獲仍留任一年督緝如再不獲即行革任留於該地方協緝五年限內拏獲題請開復限滿不獲審係依法看守偶致疏縱者仍革職完結係禁卒受賄故縱交刑部擬以杖一百徒三年○十一年議准凡問擬凌遲斬絞立決及監候重犯越獄管

獄有獄各官協緝限內除告病終養等事仍不准回籍外如遇丁憂治喪事故管獄官應照舊例暫行給假百日令其回籍經理喪事假滿原籍督撫催令起程咨明任所仍留地方協緝接扣前限滿日按例查辦如有獄官於未經革職之先遇有丁憂治喪事故照現任官員丁憂治喪之例回籍守制服滿後仍赴任所協同接任官接扣前限緝捕若該督撫等叅奏革職留於地方協緝奉

旨准行及奉

特旨革職留緝官員並有獄官於革職後協緝限內遇有丁憂治喪事故俱照管獄官之例給假百日同籍經理喪事假滿仍赴協緝地方協緝至接任官將應緝人犯拏獲者其給假回籍各官限滿應降調革職並革職留任者悉照鄰境獲犯之例酌減議結○十七年奏准凡刑部監犯患病沈危醫生呈報救治即令提牢司員同堂移會滿漢查監御史赴部查驗至監斃之犯無論因刑身死及猝患暴病身死不及呈報究治之犯俱移會查監御史率領指揮一員限一日

內赴部會同刑部司員相驗若實係因病身死或應行刑訊之犯承審各員依法拷訊邂逅致死及受刑後因他病身死者均照律毋論儻有非法拷打及將不應刑訊之人濫行致斃並禁卒有陵虐罪囚各情事即據實叅奏究辦其各衙門送部之案務將人犯是否患病及曾否刑訊受傷之處於文內詳晰聲明若送到人犯受有刑傷及病勢沈重者刑部立即會同查監御史亦於一日內赴部查驗立案俾有稽考○咸豐五年奏准書差私設倉鋪所店及班館押保

店等項名目押禁輕罪干連人犯致斃人命如
本管官知情故縱者革職提問未經致死知情
故縱者降三級調用如僅止失於覺察因而致
斃人命者降二級調用未經致死者降二級留
任自行查出究辦未經致死者免議查出在致
斃人命以後者仍照例議處○又奏准臬司道
府直隸州失察所屬私設班館等項名目同城
之府州降一級留任道員罰俸一年臬司罰俸
九月其不同城之府州罰俸一年道員罰俸九
月臬司罰俸六月○又奏准每逢夏季熱審屆

期該督撫遴選誠實佐貳人員委赴各州縣明
察暗訪如有書差私設班館等情立即密稟查
叅如無私設情事由該委員出結存案儻日後
仍有私設管押別經發覺或被人控告審明得
實者該督撫將委員職名隨案附叅如係扶同
捏飾照徇隱例降二級調用如僅止未能查出
降二級留任儻委員有藉端勒索情事由該地
方官揭報該督撫嚴叅究辦○同治二年奏准
刑部監獄如有疏失直班之提牢降三級調用
不直班之提牢減為降一級調用